

07. Hiri-hazkunde formak

1. Sarrera. Hiri-hazkunde formak: garai historiko bakoitzeko hiri-zati bereizgarriak, partzelatze (lurzorua betetzeko egitura), urbanizatzeko (zerbitzuak banatzeko azpiegitura) eta eraikitze (eraikinak egituratzeko tipologia) jakin bat dutenak.
2. Oinarrizko hiri-hazkunde formak:
 - Historiaurreko hazkunde-formak:
 - a. Plangintzarik gabeko hazkunde organikoa. Adibideak: Herrixka neolitiko etruriarrak (K.a.1500); Herrixka garaikide kamerundarra.
 - b. Hiri berri helenistikoa: Miletoko Hipodamo, "hirigintzaren aita"tzat jo daitekeena. Miletoko berreraikitzea (K.a. 479, 30x52 metroko insulak), Olintoko zabalgunea (K.a. 432, 35x86 metroko insulak); Prienen hiri-bilbe bera erabili zen (K.a. 350, 35x45ko insulak).
 - c. Zenturiazio erromatarra. (*Centuriae*: ~700x700m (edo 20x20 *actus*); *Actus*: ~35x35m). Adibidea: Ponpeiako zabalgunea (K.a. V.mendea, 35x100 metroko insulak).
 - Erdi Aroko hazkunde-formak:
 - a. Baserri isolatua: Euskal ipar-isurialdeko landa-eremuko eraikin tiporik garrantzitsuenak. Adibidea: Igartubeiti, Ezkio-Itsaso, XVI. mendekoa (dolare-baserri gipuzkoarra motatakoa).
 - b. Elizatea: Eliza baten inguruko etxe edo baserri-multzoa. Elizako atarian biltzen ziren erabaki politikoak hartzeko. Adibideak: Oñatiko Araotzeko elizatea; Arrasateko Bedoñako elizatea.
 - c. Hiribildua: Erdi Aroko hiri mota, eliza edo monastegi baten inguruan sortua, eskuarki harresiz inguratua. Adibidea: Rottweil, Alemania.
 - d. Burgoa: Hiribilduko harresiz kanpoko herrixka erdiantolatua, eskuarki udaletxe baten inguruan eraikitzen dena. Adibideak: Rottweil; Iruñeko burgoak, XIV. mendea.
 - e. Dorretxea eta hiri-jauregia. Berez, ez dira hazkunde-formak, baizik eta eraikin tipoak. Dorretxearen funtzio militarrek ezberdintzen ditu. Dorretxeak landa-eremuan ere kokatzen ziren. Adibideak: Gasteizko Otxanda dorretxea, XVI. mendekoa; Zallako Herrerako dorretxea, Enkarterriak; Ipeñarrieta dorretxea, Urretxu; Gasteizko Kordoi Etxea, XIII. mendekoa. Jauregiak geroago sortuak dira, Pizkundean eta Barrokoan, eta, eskuarki, patioa dute. Adibideak: Zalduondoko Lazarragarren jauregia, XVI. mendekoa; Lazkaoko Lazkaotarren jauregia, XVII. mendekoa.
 - f. Errabala: Hiribilduko harresiz kanpoko herrixka ez antolatua, bide batetan zehar eraikia. Adibidea: Markinako errebala (Abesua); Durangoko errabalak (Ermodo, Kurutzia, San Agustin, Intxaurren eta Pinondo).
 - g. Bastida: Erdi Aroko Frantziako hegomenendaldean sortutako hiri berri ereduak, guztiz planifikatua, erregularra, plaza baten inguruan, merkatua jasotzen zuena. Adibideak: Biarnoko Navarrenx, Villareal, Monpazier, La Bastide Clairence (Lapurdikoko Bastida).
 - XVII-XVIII. Mendeko hazkunde-forma:
 - a. Hiri neoklasikoa: Otxandategi plana Zangotza Berria egiteko, 1787; Ugartemendia plana Donostiako alde zaharra berreraikitzeke, 1814.
 - XIX. mendeko hazkunde-forma:
 - a. Zabalgunea burgesa edo *dezimononikoa*: Bartzelona, Atenas, Argel, Bari, Madril.
 - b. Industriagunea: Industria iraultza eta gero, lantegiak hirietara eramaten dira. Trenarekin, ez dute lehengaien alboan egon behar jada, eta salmenta puntuen alboan ezartzen dira. Adibidea: Abandoibarra (Euskaldunako ontziolako lehen itsasontzia 1905. urtean egiten da).
 - XX. mendeko lehen erdiko hazkunde-formak:
 - a. Langileen auzoak eta Lorategi-hiria:
 1. *New Town* ingelesak. Sendibakarreko etxebizitzetaz betetako hiri osoak, London hiriko dentsitatea jeisteko asmoarekin sortuak.
 2. *Hof* austriarrak. 1920. hamarkadako Vienako langile auzoak, dentsitate handikoak, erdigunetik urrun baina trenbidez ongi lotuak daudenak. Adibidea: Karl Marx Hof, Karl Ehn, 1927 (1.100m luze, 1.382 etxebizitza).
 3. *Siedlung* alemaniarak. Dentsitate baxuagokoak. Eskuarki, espazio publikoa sortzen dute. Berlinekoak, metroaz lotuak (1902an hasi zen). Adibidea: Britz Siedlunga, 1925-1933, Bruno Taut.
3. Hazkunde forma bakoitza hirigintzako hiru faseetan bereizten da, eta ez bakarrik kanpoko itxuran: Hiriaren eraikuntza Partzelazioa + Urbanizazioa + Eraikuntza da, eta hirurak ez dira zergatik batera edo jarraian eman behar (Manuel Sola-Moralesen arabera). Hiri zati baten hazkunde forma bat bereizteko, hiru faseen ezaugarriak ikertu behar dira.